



KOMUNIKADO PA PRENSA

Fecha
18 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Dia di Transporte Públiko

Willemstad – Djadumingu 20 di ougùstùs 2017 ta Dia Nashonal di Transporte Públiko. Gobièrnu di Kòrsou na 2016 a dekrétá e di tres djadumingu di luna di ougùstùs komo Dia Nashonal di Transporte Públiko. Riba e dia aki ta duna atenshon spesial na Transporte Públiko, ku ta entre otro: bùsnan grandi i chikí, taksi, bùsnan ku ta transportá alumnonan di skol, etc.

Minister Zita Jesus-Leito huntu ku Ministerio di Tráfiko, Transporte i Planifikashon Urbano ta felisitá tur ku ta traha den e sektor aki. Transporte públiko ta un nesesidat importante pa nos komunidad.

Gobièrnu, atraves di e Akuerdo di Gobernashon 2017-2021 titulá ‘Realisando Kòrsou su máksimo potensial’, a duna atenshon na e tópiko aki. Puntonan ku Gobièrnu ta bai enfoká riba dje durante di e periodo di gobernashon aki ta:

- Mester reformá e sistema di transporte públiko na Kòrsou pa subi e grado di mobilitat. Pa esaki mester hasi un estudio i bini ku proposishonnan konkreto pa determiná kua ta e mihó manera pa yega na un restrukturashon di transporte públiko na Kòrsou.
- ABC-busbedrijf huntu ku bùsnan chikí, mester forma un ret ku ta hasi Kòrsou aksesibel pa tur bario i for di tur bario. Konsekuentemente mester amplia e aksesibilidat di ABC na mas bario i adaptá su supsidio pa e por amplia e servisio.
- Gobièrnu lo sigui animá ABC-bedrijf pa nan sigui ku nan maneho di sirbi tur bario di Kòrsou.
- Gobièrnu lo sostené e shofùrnán di bus chikí ku ke forma un koperativa pa asina baha nan gastu di kompra di bus.
- Tambe gobièrnu lo buska eksperto pa revisá i adaptá i modernisá e lei di transporte públiko.

Minister Zita Jesus-Leito ta trahando debidamente na e puntonan aki. Minister a kuminsá ku konsultanan ku diferente aktor prinsipal den e sektor aki pa e haña un bista mas spesífiko di tur e puntonan di atenshon. Tambe Minister a reuní ku e tim di su ministerio ku ta trahando riba un maneho di mobilitat pa nos pais kual lo benefisiá e sektor mes i pueblo di Kòrsou.